

## **Ilautitsinik Inuit Inosuttunginnik Canadamiut kenaujaliugusinginni**

kenaujaKattitaujok Illusualinni NunaKakKâsimajunut PiusigijauKattatumut NunaKakKâsimajunik kamajiujunut ammalu Taggami Pivalliatitsijinut Canadami, Pauktuutit Inuit Annait Canadami pijagesimajut suliagisimajaminik Kaujisannikut taikkunangalluasiak Inuit inosuttunginnit 15-nanit-24-ranut jâriKajunit pidjutiKadlutik piunippaujunik piusigijaugajattunik ilautigianginnut pigiasititsigiamut suliagigajattanginnik ubvalu pigiasititsigiamut namminimminik kenaujaliugutitsanginnik. Isumagijaulauttuk Kaujisagiamut uKumailutagijanginnik, sivulliutigumajanginnik, ammalu Kanuttogutigijanginnik pillugit suliaKagiamut ilinniatitaugutet, suliatsait, ammalu suligijanginnut pannaigutet ammalu Kaujigiamut Kanuk Pauktuutikkut ikajugunnamangâta Inuit inosuttunginnik atuinnagutigianginnut suliaKagiamut Canadamiut kenaujaliugutinginni.

Ikajutsitaudlutik Inuit inosuttungita uKaudjigijaudlutik katimattanginnut, tainna suliagijaujuk pigiasittitaulauttuk maggonik pimmagittonik pinianniagijaujuttigut:

1. katingaKatiKallutik âttanik inosuttunik kiggatutillugit sitamanik Inuit nunalinginnik. Tugâgutigijaulauttuk Kaujisagiamut piusigisimajanginnik suliatsasiudlutik ubvalu pigiasititsigiamut namminigillugit kenaujaliugusitsamik ammalu piusigijaugajattunik isumagijanginnik asingit Inuit inosuttungit ilinniagusigigumagajattanginnik ilingajunik suliagijaujunik pivalliatitsisongiamut.
2. Kagitaujakkut Kaujisautimmik ilingajunik Inuit inosuttunginnut. katitsuinnikkut Kaujimattitaugutinnik ilingajunik ilinniagusinnut, suliatsanut ammalu ilinniatitaugiamut piusigijaugunnatunik, ammalu adjigengitunik atugatsanik Inuit inosuttungita atuKattatanginnik KaujimaKatigeKattagiamut atunit ammalu asigiallagijanginnut, ammalu atugatsanik atugumaluaKattatanginnik suliatsasiuligamik ubvalu pigiasititsigiamut suliagigajattanginnik.

Tainna maggoni ulloni Inosuttuit katimannigilauttanga iniKalauttuk Iqaluittimi March 2013-nami. Taikkua ilauKataulauttut uKâlautiKalauttut piusigigajattanginnik ikajuttigesongugiamut atunit nunalinginni, pidjutiKadlutik suliatsatâgiamut ammalu ilisimallagijaminut suliatsatâgiamut ikajutsitaugutimmik atuinnaujumik taikkununga, pidjutiKadlutik uKumailutagiKattatanginnut, ammalu pidjutiKadlutik ippigiutigijanginnik ikajuttaunigigiaKajanginnik Inuit inosuttungita piujumik suliatsatâsongugiamut ubvalu pigiasititsigiamut namminigijaminik kenaujaliugusimmik.

Taimâtsainak sakKititaunginnalauttuk inosuttuit katimaningani pitaKagiaKanninganik piusititsigiagutitsanginnik inosuttuit imminut ippigiusigijanginnik ammalu songusittisigiamut Inuit piusituKangani kinaunigijanginnik. Inunnik idjagatsaKallutik, uKaudjigijajiKallutik, ammalu suliaKallutik suliaKagiutsagiamut ilinniatitaugutet pikKujaliuttaulauttut piusigijaujutsaulutik katsungainniKattisigiamut ammalu pisongunimmik ippigitsianiKagiamut. Tamakkua sulianguKattatut ammalu ikajuttaugutiuKattatut ilonnâgut kamaKattajutsaujut ammalu pitaKatitsilutik nunalinnut, piusituKammi, ammalu ippiniagusinnut ikajutsitaugutitsanik ilauttitautillugit pivalliatitaugutingit suliatsasiugiamut ilisimajaugialet. Taikkua inosuttuit

uKâlalaummijut pitaKagiaKanninganik inosuttunut ilingallagittunik ikajuttaugutitsanik ikajuttaugutigigajattanginnik atuKattagiamut adjigengitunik pivitsagijauKattatunik ilingajunik ilinnianimmut, ilisattaugiamut, ammalu suliatSaKagiamut. Tainna katimannik takutsautitsilauttuk taikkua Kagitaujakkogutet ammalu ikajuttaugutet sollu taijatut Facebook ikKanammagittut atuttauKattagianginnut KaujimatitsiKattagiamut inosuttunik ammalu KaujimaKatigegutitsainagiamut, tâvatuak pijagegutigijaulauttut, idjagatsaugunnatut, katimannisait, katimatsuanitsait, ilinniavinni piusitsait, ammalu uKaudjigijajiKagiaKannik pikKujaliuttaulauttut ilinniatitsiutigigianginnut suliaKalluni ilisimajaugialinnik ammalu pitaKatitsigiamut immigotillugit ikajutsitaugutitsanginnik.

Tainna Ilautitsinik Inosuttunik Canadamiut kenaujaliugusinginni Kaujisautik sakKititausimalauttuk Kagitaujakkut Mai amma Jonimi 2013-nami. Tugâgutigijaulauttuk tamatumani Kaujisannimi kaujigiamut Kanuk ununningit isumaKammangâta piunippaujumik piusigijaugajattumik angomasongugiamut Kaujimattitaugutitsanginnut ammalu ikajutsitaugutitsanginnut kingomagijanginnik inosuttuit Inuit suliatSasiugiasigutik. katidlugit 92 kiuttaugutet tikisimalauttut, ununningit pisimatillugit Nunatsiavummit amma Nunavummit. Ununnipaulauttut jariKatigegalait ilauKataulauttut 20-nik jarilet ammalu ununningit ilisimanniKatsiadlutik. Apvagalangit suli ilinniavimmejut ammalu apvagalangit uKasimatillugit mânnaujumi suliaKanginimminik. Ununnigijangit, taikkua ilauKatausimajut akungani 2-3 amma 4-5 suliatSaKasimajut inosimmini. 9 per sittituinnait uKasimajut suliatSaKalautsimanginimminik.

kuatangita apvangit ilauKatausimajut uKasimajut KanuttogutiKanimminik pigiasititsigiamut namminimminik kenaujaliugusitsamik, tâvatuak isumâluttitaugutiKajut nâmmatunik pigiasititsanik kenaujaKanginimminut ammalu nammatumik KaujimanniKanginimminut kenaujiligigiamut ammalu pivallianimmi piusigijaugiaKaKattatunik. Ilangit uKasimajut anginitsamik ippigiutiKagiaKanimminik pisongunimmik ammalu ilisagiallagiaKanimminik. Apigijaugamik sunanik atugiaKagajammangâta pigiasititsigiamut kenaujaliugusimmik, unuttut pigumalauttut katimaKataugutinnik, suliaKallutik ilinniataugumadlutik ammalu suliaKagiutsagiamut ilinniagumadlutik.

Tainna Kaujisannik takutsautitsijuk taikkua Inuit inosuttungit nogiaKagajanninginnik nunagijammunit ammalu Taggamit anginitsamik ilinniagiallagiamut, ilisagiallagiamut, ubvalu suliaKagiutsagiamut. Taimaigaluattilugu, 64 per sinttet uKasimajut iniKatsainanianniminik ammalu suliaKalânniminik Taggami.

Pillugit suliatSasiuguset, ilagijangit ammalu ilannâgijangit, KaujimaKatigeKatigiKattatangit, ammalu uKâlautigijauKattatut ikKanammagittut. Tainna Kaujasannik isumatsasejuk ilonnakasâtik Inuit inosuttuit atuKattaningit Kagitaujannik ammalu taijamik, unuttuituKattadlutik atunit ullutigut, ammalu tamanna ilangaunninga piusigijaugunnatuk KaujiKattagiamut suliatSanut ammalu nunalinni piniannigijauKattatunik ammalu piusigijauKattatunik.

SakKititausimatillugit taitsumunga Ilautitsinik Inuit Inosuttunginnik Canadamiut kenaujaliugusinginni suliangujumit, Pauktuutikkut sakKititsisimajut ukuninga pikKujaliangusimajunik:



1. **KaujimaKatigeguset:** Taikkua Kagitaujakkogutet amma taijak Facebook ikKanattulagiujujut atuttauKattagiamut KaujimaKatigeKatiKagiamut Inunnik inosuttunik. AtuvalliniKagiamut, suliangujut, ikajuttaugutet, ammalu katutjiKatigenniujujut KaujimatitsiKattajutsaujut Inunnik inosuttunik atullutik taijamik Facebook ammalu Kagitaujakkogutinnik atuluaKattatanginnut. Tamakkua atugatsait illinattulagiujujut Kaujimajaugialinnik KaujititsiKattagiamut piusigijauKattatunik ammalu pivitsagijaugunnatunik, tâvatuak inetsijutsaungitut takunnautidlutik katimanniuKattatunik.
2. **Iisimannigijaugialet:** Taikkua Inuit katimannigilauttanga amma Kaujisanniujujut isumatsasesimajuk Inuit inosuttuit piusititsigijutsauningit kenaujaliginimmut ammalu kenaujaliugutiKannimut ilisimannigijanginnik ammalu ilinnialutik pikKujaugutiujunik ammalu pivalliaugutiugialinnik pigiasititsigiamut kajusitsianiKajumik kenaujaliugutimmik. Mânnaujumi tukisiniKanginingit ippigittisigunnatuk pisongunniKanginimmik.
3. **Suliatsasiugiamut Atugatsait:** Ilangit Inuit inosuttuit KaujimanniKangitut ilonnanginnik ikajuttaujuttaugutigigunnatanginnik atuinnaujunik taikkununga suliatsasiulimmata ubvalu ilisimannigijaminut suliagigunnatanginnik. PitaKajutsauvuk atunit nunaliujunut ilingajunik suliagijaujunik ammalu atugatsanik nalunaittitautesijunik ilonnanginnik, nunalinni, nunaKatigengituni, ammalu Canadalimâmi ikajuttaugutigijaugunnatunik atuinnaujuni Inuit inosuttunginnut ammalu ikajullugit kamatsianiKagiamut mânnaujumi ammalu sivunitsami suliatsagijaugunnatunik iluani Inuit nunalinginni. Kaujimattitaugutet alakkasâjait, nunalinni katimanniuKattatut, ilinniavinni piusigijauKattatut, ammalu Kagitaujatigut ikajuttaugutigijaugunnatut atullagigunnatut pivitsasiujunut.
4. **Idjasijaugunnatut amma UKaudjigajet:** Idjasijaugunnatut ikKanattulagiujujut ilinniagutigijaugiamut atugatsanginnut Inuit. Idjasijaugunnatut pitaKatitsigunnatut inosuttunik Inunnik imminut ippigitsianiKanimmik, katsungainiKatsianimmut, ammalu pisonguniKannimik. Suliangujut sakKititaujutsaujut sakKititsigunnatunik Inunnut inosuttunut kajusitsianiKaKattasimajunut unikkausinnik ammalu pivitsaKattitaullutik uKâlaKatiKapvisaKagiamut ammalu ilinnianiKattitauKattagiamut taikkunangaluatsiak. Atunit KaujisattauKattanet ammalu ilusigijaujut atunniKajut tâvatuak inetsijutsaungitut

### **Kaujisagi~~all~~agumajut, Kaujisagunnatut omangat:**

Elana Nightingale

Aulatsijik, InoKatigeguset-kenaujaliugutellu Pivalliatitaugutinginni

[www.pauktuutit.ca](http://www.pauktuutit.ca)

Fonninga: (613) 238-3977 ext. 236

Kaningitumit akiKangituk: 1-800-667-0749

Email: [enightingale@pauktuutit.ca](mailto:enightingale@pauktuutit.ca)